

Zia Maria

Zia Maria v'è à spassu, zia Maria v'è ...
A tacchi alti è capu bassu à girandulà
Vol'sapè ciò chi si dice in tutta la cità
Zia Maria hè felice, zia Maria v'è ...
Zia Maria hà tagliatu, zia Maria hà ...
U so « chignon » racamatu per fassi tagnà
Mà la so nora li dici, « a sapete, o mà ...
Pareti una vera attrici, v'anu da invidia » ...

Zia Maria avà fuma, zia Maria avà ...
Pesa quant'è una piuma par ùn ingrassà
Di u latti caccia a sciuma, zia Maria avà
Pianu pianu si cunsuma par ùn invichjà ...
Zia Maria aval'cunduci, zia Maria avà ...
Và in un fattu di luci d'Aiacciu à Pruprà
Quand'ella colla in vittura, zia Maria ùn hà ...
Nè pinseri nè paura di fassi aghjustà ...

Zia Maria, tutti i mesi, zia Maria avà ...
Cù a so serva portughesa, a Manuella
Indè Codec à à fà a spesa, à fassi carcà
Di cunservi à la Francesa è di baccalà ...
Zia Maria avà crocca, zia Maria avà ...
Face u piglia, laca è tocca, li piaci à ballà
Ella salta, « djerca » è « rocca », zia Maria sà ...
Fà prova di li so fiocca, in la sucetà ...

E cusi chi monda donni, i donni d'avà ...
Ch'ùn volemù avè frastorni, a si sanu fà ...
Un sò com'è no faremu da qui ad andà ...
O li tinti ch'è no semu
Ci anu à supranà ...